



Anna Wangenheim
Inatsisartunut ilaasortaq, Demokraatit

**Oqaasiliortut pillugit § 37 naapertorlugu apeqqutip nr. 194/2021-p
akineqarnera**

12-01-2021
Suliap nr. 2021 - 23038
All. nr. 18882556
Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Anna Wangenheim,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinguuttuni akissuteqarfigissavakka.

Apeqqut 1:

Naalakkersuisut Inatsisartunut Ilaasortat partiillu Naalakkersuisooqatigiinneersunit atuuffiit akissarsitineqartartuusuni inissineqartarnerat qanoq isumaqarfigaat?

a. Naalakkersuisut taamatut pisoqartillugu qaqugukkut kammalaatersorneq killilernerqarsinnaaneraniq nassuiaateqarnissaat kissaatigineqarpoq?

b. Naalakkersuisut qanoq iliuuseqarpat, akissarsiaqarfiusussanut toqqaanernut kammalaatersortoqarneraniq isumaqartoqannginnissaa anguniassallugu?

Akissut:

Ataatsimiititalianut, aalajangiisartunut, ataatsimiititaliarsuarnut il. il. ilaasortaniq toqqaanermi immikkoortut assigiinngitsut iluanni inatsisitigut tunngaviusut avataanit suleqatigisanit inassutigineqartunik toqqaanermut akuersissuteqarnermullu Naalakkersuisut malippaat. Immikkoortut taamaattut iluanni piumasaqaatit pisussaaffiillu naammassineqarsimassapput. Inunnik, eqimattaniq assigisaannilluunniit toqqaanermi Naalakkersuisut mattussereertanngillat, pissutigalugu tamakkua inatsisitigut tunngaviusut aalajangersagaammata.

Apeqqut 2:

Naalakkersuisut suut tunngavigalugit Oqaasiliortut ilaasortassaannik toqqaasimappat Inuit Ataqtigiiit aammalu Inatsisartunut Ilaasortaasumik?

a. Allaniq piukkunnartunik peqarsimangila?

b.Naalakkersuisut apeqquteqartoq isumaqatiginerlunikku inuiaqatigiinniit pisoq kammalaatersornertut isummerfigineqarnissaanik kinguneqarsinnaasoq, taamatuttaarlu politikikkut ingerlatsinerinnartut isigineqaleratarsinnaanera?

Akissut:

Oqaasiliortut pillugit Inatsisartut inatsisaat nr. 5, 1. juni 2017-imeersumi § 6 naapertorlugu Oqaasiliortut Naalakkersuisunit toqqarneqartartunik tallimanik ilaasortaqaqput. Ilaasortat ukunannga innersuussuteqareernikkut toqqarneqartarput:

- 1) Ilisimatusarfik
- 2) Nunatta Atuagaateqarfia
- 3) Kalaallit Atuakkiortut
- 4) Tusagassiuinermi Sulisut Peqatigiiffiat
- 5) Nutserisunut oqalutsinullu kattuffik

Ilaasortanik ataasiakkaannik toqqaannermi Naalakkersuisut aallaavigisaanik suliffeqarfinit peqatigiiffinnillu/kattuffinnillu inassuteqarsinnaatitaasunit tamanit inassuteqaatinik Naalakkersuisut tigusaqartarput.

a. Suliffeqarfinit peqatigiiffinnillu/kattuffinnillu inassuteqarsinnaatitaasunit inuit inassutigineqartut tamakkerlutik toqqarneqarnissamut naleqqupput. Piffissami atuuffiusumi kingullermi Oqaasiliortut periusissiaat iliuusissatullu pilersaarutaat naammassineqarpoq. Piffissamut nutaamut Oqaasiliortut katitigaanerannut tunngatillugu Oqaasiliortut sulinerata atajuartuunissaa Naalakkersuisut pingaartippaat.

Inatsisartut inatsisaanni § 7, imm. 2 naapertorlugu ilaasortat toqqaqqinneqarsinnaapput. Pisumi uani piffissami atuuffiusumit kingullermit ilaasortat pingasut matumani ilanngullugu Inuit Ataqatigiinnut Inatsisartunullu ilaasorta, piffissamut nutaamut toqqaqqinneqarput.

b. Akissummut 2.a-mut innersuussutigissava.

Inussiarnersumik inuulluaqqusillunga



Peter Olsen